

Sakspapir

Sakshandsamar	Arkiv	ArkivsakID
Andrea Waage	FE-223, FA-C00	22/422

Saksnr	Utval	Type	Dato
109/22	Formannskapet	PS	22.11.2022

Fordeling av kulturmidlar 2022

Vedlegg:
Tildelingsreglement kulturmidlar

Saksutgreiing: Bakgrunn

Fedje kommune har 110 000 kr i kulturmidlar som vert delt ut årleg. Lag og organisasjonar med aktivitet på Fedje kan søkje om tilskot frå desse midlane.

I år har Fedje kommune motteke 10 søknader innan fristen, og det har vore søkt om kulturmidlar for til saman 186 000 kr.

Oversikt over dei som har søkt, sum, og formål:

Lag eller organisasjon	Sum	Formål
Feiekostane	18 000,-	Dirigentlønn, leige av lys/lyd/lokale, 30års jubileum
Stormark Grendahus	20 000,-	Utbetringar og drift
Fedje Rockeklubb	10 000,-	Innkjøp av nytt utstyr
Fedje Musikkorps	40 000,-	Drift, dirigentlønn
Fedje Teaterlag	9 000,-	Sminke, rekvisittar, oppgradering av myggar og kablar
Fedje Idrettslag	30 000,-	Vidareutvikling av badestranda.
Koral	15 000,-	Jubileumskonsert, øvingshelger, noteutstyr og husleige
Fedje Indremisjon	9 000,-	Materiell til arrangement, straumrekning, vedlikehald av bygget
Vesttun Bygdelaag	30 000,-	Drift og straumrekning, fornying av lys, vindauge og dører
Fedje Betweenklubb	5 000,-	Husleige, hobbymateriell, mat og spel

Fordelinga av kulturmidlar er teke på bakgrunn av tildelegeringsreglement vedteke i Fedje



Fedje kommune

kommunestyre 03.09.03

-Sak 047/03 (vedlagt).

Vurdering

I følge § 11 i tildelingsreglementet: *tilskot frå kulturmidlane skal ikkje gå til lag/organisasjonar som berre driv og/eller leiger ut bygg.*

Stormark Grendahus har søkt om kr 20 000,- til utbetringar og drift. Stormark Grendahus har få eige arrangement og driv i stor grad med utleige og drifting av bygg. Kommunedirektør føreslår å dele ut kr 3000,- til Stormark Grendahus og legg til grunn § 11 i tildelingsreglementet.

Fedje Indremisjon har søkt om kr 9000,- til drift, oppussing, og utstyr til arrangement. Ungdomsklubben Between, som er tilknytta Nordhordland Indremisjon, har søkt eiga tilskot. Fedje Indremisjon har få eige arrangement og driv i stor grad med utleige og drifting av bygg. Kommunedirektør føreslår å dele ut kr 3000,- til Fedje Indremisjon, og legg til grunn § 11 i tildelingsreglementet.

Vesttun Bygdelaag har søkt om kr 30 000,- til drift og oppussing. Bygdelaaget har få eige arrangement og driv i stor grad med utleige og drifting av bygg. Kommunedirektør føreslår å dele ut kr 3000,- til Fedje Indremisjon, og legg til grunn § 11 i tildelingsreglementet.

§ 10 i tildelingsreglement lyder: *Lag/ organisasjonar som driv aktivitetar for, eventuelt med, born og ungdom vil verta prioritert.*

Fedje Betweenklubb som er tilknytta Nordhordland indremisjon har søkt om kr 5000,- til drift og utstyr. Kommunedirektør føreslår at denne summen vert tildelt.

Fedje Musikkorps har søkt om kr 40 000,- for å dekke deira hovudutgift som er dirigentlønn. Korpset er ein viktig institusjon på Fedje og har ein viktig rolle for mange barn og unge. På grunn av begrensa midlar føreslår kommunedirektør at korpset får tildelt kr 26 000,- .

Fedje Idrettslag har søkt om kr 30 000,- til videreutvikling av badestranda. Idrettslaget har mange medlemmer (53 under 18 år, derav 26 under 12 år – og 80 over 18 år), er ein viktig organisasjon for mange. Idrettslaget har allereie gjort ein innsats på badestranda, med gratis utleige av sup-brett og andre kjekke vass-aktivitetar. Vidareutvikling av dette tilbodet kjem alle besøkande til gode, både barn, vaksne, fastbuande, og besøkande – og er eit godt initiativ som gjer Fedje til ein kjekkare stad å bu. Kommunedirektør føreslår at Fedje Idrettslag får kr 30 000,-, same sum dei har søkt på.

I tillegg har fleire aktørar med flest vaksne medlemmar søkt kulturmidlar.

Fedje Teaterlag har søkt om kr 9000,- til oppgradering av lydutstyr og rekvisittar. Teaterlaget har årleg revy til glede for både barn og vaksne. Kommunedirektør føreslår at Fedje teaterlag får tildelt summen dei har søkt om.

Fedje Rockeklubb har søkt om kr 10 000,- til nytt utstyr og utvida anlegg. I tillegg har Rockeklubben som mål å vere ein ressurs i lokalsamfunnet, og hjelper til med lyd, utstyr og produksjon i samband med arrangement på øya. Dette kjem både barn og vaksne til gode. Kommunedirektør foreslår at Fedje Rockeklubb får tildelt summen dei har søkt om.

Koral har søkt om kr 15 000,- til drift, øvingshelger, og feiring av 10 års jubileum. Dette er eit kor som engasjerer og er til glede for mange. Kommunedirektør føreslår at Koral får tildelt kr 10 000,-.

Feiekostane har søkt om kr 18 000,- for å dekke utgifter til dirigentlønn, leige av lyd, lys, og lokale, samt feiring av 30-års jubileum. Feiekostane er eit kor som engasjerer og er til glede for mange. Kommunedirektør føreslår at Feiekostane får tildelt kr 11 000,-.

Konklusjon

Dei fleste får mindre enn dei har søkt om, grunna begrensa midlar til rådvelde. Bygdelaga og Fedje indremisjon får i tråd med § 11 vesentleg mindre enn dei har søkt om. Lag og organisasjonar med høg og jamn grad av aktivitet for og med barn og unge vert prioritert, jamfør § 10 i tildelingsreglementet.

Forslag til vedtak:

Kulturmidlane vert fordelt på følgande måte: Stormark Grendahus: Kr 3000,-. Fedje Indremisjon: Kr 3000,-. Vesttun Bygdelag: Kr: 3000,-. Fedje Betweenklubb: Kr 5000,-. Fedje Musikkorps: kr 26 000,-. Fedje Idrettslag: Kr 30 000,-. Fedje Teaterlag: Kr 9000,-. Fedje Rockeklubb: Kr 10 000,-. Koral: kr 10 000,-. Feiekostane: Kr 11 000,-.

Formannskapet - 109/22

F - behandling:

Kamilla B K Karlsen er styremedlem og kasserar for Fedje skulemusikk, etter forvaltingslova § 6 er Kamilla B K Karlsen er ugild og deltok ikkje i behandlinga av saka.

F - vedtak:

Kulturmidlane vert fordelt på følgande måte: Stormark Grendahus: Kr 3000,-. Fedje Indremisjon: Kr 3000,-. Vesttun Bygdelag: Kr: 3000,-. Fedje Betweenklubb: Kr 5000,-. Fedje Musikkorps: kr 26 000,-. Fedje Idrettslag: Kr 30 000,-. Fedje Teaterlag: Kr 9000,-. Fedje Rockeklubb: Kr 10 000,-. Koral: kr 10 000,-. Feiekostane: Kr 11 000,-.

